

شرقی آذربایجان تورکیه نین ارزوم شهرینه، مونسب تیجاری شریک اول بیلر

شرقی آذربایجان اوستانداری دئدی: بیر-بیریمیزین ظرفیتلریندن داها چوخ ایستیفاده ائله مہلیوق و شرقی آذربایجان منطقه ده اثر قویان بیر نوقطه کیمی ارزوم اوستانینا یاخجی تیجاری شریک اول بیلر.

فارسین تبریزدن وئردیغی خبره گوره، تیجاری-ایقتیصادی بیر هیأتین رآسینده تورکیه نین ارزوموندا سفردہ اولان شرقی آذربایجان اوستانداری احمد علیرضاییگی، سفرینین اول گونونده نچہ خدماتی-تولیدی مرکزدن گوروشده ارزومون محلی مقاملارینن گوروشدو.

شرقی آذربایجان اوستانداری ارزومون اوستاندارینن گوروشده ایران و تورکیه نین موشرکاتینین یکی طرفلی همکارلیقلارا مونسب فرصت اولدوغونو دنماغینان آرتیردی: شرقی آذربایجان و ارزوم اوستانلاری بو فرصتلردن آیری اوستانلارا نیسبت داها چوخ ایستیفاده ائده بیلرلر.

علیرضاییگی آرتیردی: : بیر-بیریمیزین ظرفیتلریندن داها چوخ ایستیفاده ائله مہلیوق و شرقی آذربایجان منطقه ده اثر قویان بیر نوقطه کیمی ارزوم اوستانینا یاخجی تیجاری شریک اول بیلر.

ارزومون اوستانداری صلاح الدین اوزتورکده قاباکی توافقلرین تحقوق تاپماسینین یکی طرفین هیأتلرینن گنت-گلی نین ایدامه تاپماسینا باغلی بیلدی و تأکید ائله دی یکی طرفلی رابیطه لرین ایجرا بی اولماسی اوچون قاباکی تفاهوملره آرتیق دیقت یئتیریلمه لیدیر.

شرقی آذربایجان اوستانداری و همراه هیأتی سفرین ایدامه سینده، بو شهرین شهرداریسینه گندیب شهردارینن گوروشوب دانیشدی.

بو گوروشده شرقی آذربایجان اوستانداری و ارزوم شهرداری، یکی طرفلی همکارلیقلارین مخصوصاً شهرداری و شهر خیدمتلری زمینه سینده تأکید ائله دیلر.

علیرضاییگی مربوطه مودیرلرینن بیرلیقدن ارزوم اوستانین بؤهران مودیرتتی سیتادینداندا گوروش ائله دی و اونلارین برنامه لری و ایمکانلارینن جریانیندا اولدو.

شرقی آذربایجان تیجاری - ایقتیصادی هیأتی ارزوما اولان یکی گونلوق سفرلرینده ارزومون ایقتیصادی فعاللارینن گوروشوب تیجاری تبادوللرین چوخالماسینا تأکید ائله دیلر.